

քնով ծանրացած մայրը, կես-գիշերին, մեքենաբար շարժում է անհանգիստ երեխայի օրօրոցը: Ասլանը առեց թիակը նրանից եւ հմուտ ձեռքով սկսեց ինքը թիավարել: Նաւաստին ոչինչ չզգաց:

Ալիքները այն աստիճան բարձրացան, որ ջուրը այժմ սկսել էր ցայտել նաւակի մէջ: Նաւաստին զարթնեց: Նա յօրանջելով գլուխը վեր բարձրացրեց, ձեռքով շփեց ճակատը, կարծես աշխատում էր բռնի կերպով քունը փարատել իր աչքերից: Նա զարմացած նայեց իր շուրջը: Ներքով՞ եւ Գրգուռ լեռների գագաթների վրայ երեւում էին մոխրագոյն ամպեր: Մշուշը պատել էր այն կողմը, որը, հետզհետեւ մռայլուելով, թանձր մառախուղի կերպարանք էր ստանում: Այդ տեսնելով, նաւաստիի հաստ, շագանակի գոյնով շրթունքները հեզնաբար ետ քաշուեցան եւ երեւան հանեցին նրա խոշոր, սպիտակ ատամները:

– Օ-հո՛ւ՛ , – բացականչեց նա, – շուտով մի լաւ փոթորիկ կունենանք...

Մառախուղը հարաւային կողմից սկսեց աւելի եւ աւելի տարածուել եւ բռնեց հորիզոնի մեծ մասը: Բայց աղօթարանի կողմից նոր ծագող արեգակը ծիծաղում էր: Երբեմն կաթկաթում էին անձրեւի խոշոր կաթիլներ, թէւ մեր վրայի երկինքը դեռ պարզ էր: Ջերմ եւ հեղձուցիչ գիշերից յետոյ այդ երեւոյթը այդ կողմերում անսովոր բան չէր:

Ասլանը դեռ ուժեղ կերպով թիավարում էր: Նաւաստին կանգնած նայում էր նրա վրայ եւ, կարծես, չէր ուզում զրկել նրան այդ փոթորիկ զոարճութիւնից:

– Շուռ տո՛ւր դեպի աջ, – նկատեց նա, – աշխատիր մօտենալ եզերքին, եթէ ոչ, յորձանքների մէջ կընկնենք:

Յետոյ դառնալով ինձ՝ հարցրեց.

– Դու լողալ իմանո՞ւմ ես:

– Ոչ, – պատասխանեցի ես:

– Երբ մի քանի ընկերացիներս յետոյ այդ նաւակը ջրի տակը կը գնայ, դու բռնիք այստեղից: – Նա սառնասրտութեամբ ցոյց տուեց իր գօտին:

Ես սոսկացի:

Նաւաստին անվրդով կանգնած էր եւ ոտքը դրել էր նաւակի կողքի վրայ, կարծես նրա զօրաւոր ճնշումով աշխատում էր պահպանել նաւակի հաւասարակշռութիւնը, որը այդ միջոցին, մի փայտեայ կոտորած շերտփի նման, ծփում էր զայրացած կոհակների մէջ: Հարաւային տաք քամին, որը, անցնելով Միջագետքի արեւակեզ անապատներից եւ փոթորիկն զովանալով